

REGIONAL NEWS UNIT  
ALL INDIA RADIO, AGARTALA

Date: 14-03-2026

Time: 07:55-08:05 PM Hrs

BENGALI EVENING BULLETIN

**Headlines :**

- (১) মুখ্যমন্ত্রী অধ্যাপক ডাঃ মানিক সাহা বলেছেন, এক ভারত শ্রেষ্ঠ ভারত ও এক ত্রিপুরা শ্রেষ্ঠ ত্রিপুরা গড়ে তুলতে এডিসি এলাকার সার্বিক উন্নয়ন অপরিহার্য।
- (২) পরিষদীয় মন্ত্রী রতন লাল নাথ বলেছেন, বিকশিত ভারত যুব সংসদ হল তরুণ কণ্ঠস্বরদের জাতীয় আলোচনায় অংশগ্রহণ এবং বিকশিত ভারত ২০৪৭-এর দৃষ্টিভঙ্গি গঠনের জন্য একটি প্ল্যাটফর্ম।
- (৩) প্রধানমন্ত্রী নরেন্দ্র মোদি আসামের শিলচরে ২৩ হাজার ৫৫০ কোটি টাকার বেশি মূল্যের বিভিন্ন উন্নয়ন প্রকল্পের সূচনা করেন।
- (৪) আজ রাজ্যে জাতীয় লোক আদালতে ১৪ হাজার ৬১৮ টি মামলার নিষ্পত্তি হয়েছে।
- (৫) টিসিএ পরিচালিত ঘরোয়া প্রথম ডিভিশন লিগ ক্রিকেটে আজ তিনটি খেলা অনুষ্ঠিত হয়।

\*\*\*\*\*

**Public meeting- CM:**

মুখ্যমন্ত্রী অধ্যাপক ডাঃ মানিক সাহা বলেছেন, এক ভারত শ্রেষ্ঠ ভারত ও এক ত্রিপুরা শ্রেষ্ঠ ত্রিপুরা গড়ে তুলতে এডিসি এলাকার সার্বিক উন্নয়ন অপরিহার্য। আজ ধলাই জেলার ধুমাছড়াতে এক জনসমাবেশে বক্তব্য রাখতে গিয়ে তিনি একথা বলেন। মুখ্যমন্ত্রী বলেন, জনজাতি অংশের জনগণের উন্নয়ন রাজ্য সরকারের সর্বোচ্চ অগ্রাধিকার। তাদের আর্থিক অবস্থার উন্নতির জন্য মুখ্যমন্ত্রী জনজাতি উন্নয়ন যোজনা চালু করা হয়েছে। এই প্রকল্পের মাধ্যমে, জনজাতি

পরিবারগুলিকে পশুপালন সহ বিভিন্ন জীবিকা নির্বাহের কাজে নিয়োজিত করার মাধ্যমে তাদের আয় বৃদ্ধির সুযোগ তৈরি করা হচ্ছে। মুখ্যমন্ত্রী বলেন, প্রধানমন্ত্রী নরেন্দ্র মোদীর নেতৃত্বে বর্তমান রাজ্য সরকার জনজাতিদের উন্নয়নের জন্য সম্পূর্ণরূপে প্রতিশ্রুতিবদ্ধ। রাজ্য সরকার তাদের সংস্কৃতি ও ঐতিহ্য সংরক্ষণের জন্যও কাজ করছে। সমাবেশে বিজেপি'র সাধারণ সম্পাদক বিপিন দেববর্মা সহ অন্যান্য নেতৃবৃন্দ বক্তব্য রাখেন।

\*\*\*\*\*

### **Youth parliament:**

রাজ্য বিধানসভায় আজ যুব ও ক্রীড়া দপ্তরের উদ্যোগে বিকশিত ভারত ইউথ পার্লামেন্টের রাজ্যস্তরীয় এক অনুষ্ঠান হয়। অনুষ্ঠানে পরিষদীয় মন্ত্রী রতনলাল নাথ, সমাজ কল্যাণ ও সমাজ শিক্ষা মন্ত্রী টিকু রায়, মৎস্য মন্ত্রী সুধাংশু দাস, সমবায় মন্ত্রী শুক্লাচরণ নোয়াতিয়া, বিধানসভার মুখ্যসচিব কল্যাণী রায় সহ রাজ্যের আটটি জেলার যুব প্রতিনিধিরা উপস্থিত ছিলেন। পরিষদীয় মন্ত্রী শ্রী নাথ বলেন, বিকশিত ভারত যুব সংসদ হল তরুণ কণ্ঠস্বরদের জাতীয় আলোচনায় অংশগ্রহণ এবং বিকশিত ভারত ২০৪৭ এর দৃষ্টিভঙ্গি গঠনের জন্য একটি প্ল্যাটফর্ম। তিনি বলেন, এটি নেতৃত্ব, নাগরিক অংশগ্রহণ এবং নীতিগত আলোচনাকে উৎসাহিত করে, যা শিক্ষার্থীদের গুরুত্বপূর্ণ জাতীয় বিষয়গুলিতে আলোচনা করতে সক্ষম করে। অনুষ্ঠানটির পরিচালনা করেন বিধানসভার উপাধ্যক্ষ রামপ্রসাদ পাল। উল্লেখ্য অনুষ্ঠান থেকে নির্বাচিত প্রতিনিধিরা আগামীদিনে সংসদে তাদের মতামত ব্যক্ত করবেন। আজকের অনুষ্ঠানের মূল ভাবনা ছিল কেন্দ্রীয় বাজেট ২০২৬-২৭।

\*\*\*\*\*

### **Congress- Press Meet:**

প্রদেশ কংগ্রেস সভাপতি আশীস কুমার সাহা জানিয়েছেন, আসন্ন এডিসি নির্বাচনে জাতীয় কংগ্রেস এককভাবে প্রতিদ্বন্দ্বিতা করবে। আজ আগরতলায় তিনি সাংবাদিকদের একথা জানান। তিনি জানান, এডিসি নির্বাচনের প্রস্তুতি নিয়ে আজ একটি সাংগঠনিক বৈঠক অনুষ্ঠিত হয়। কংগ্রেসের প্রার্থী তালিকা খুব শীঘ্রই ঘোষণা করা হবে। বৈঠকে বিধায়ক বীরজিত সিনহা সহ অন্যান্য নেতৃবৃন্দ উপস্থিত ছিলেন।

### **Tripura Gramin Bank:**

আগামী ১৬ মার্চ ত্রিপুরা গ্রামীন ব্যাঙ্ক-এ ধর্মঘট পালিত হবে। ব্যাংকের স্বীকৃত সমস্ত ইউনিয়ন যৌথভাবে জয়েন্ট ডেভেলপমেন্ট ফোরাম-এর ব্যানারে ১০ দফা দাবি আদায়ের লক্ষ্যে এই ধর্মঘটের ডাক দিয়েছে।

উল্লেখযোগ্য দাবিগুলির মধ্যে রয়েছে- ১২তম দ্বিপাক্ষিক বেতন চুক্তির পূর্ণাঙ্গ বাস্তবায়ন, এস. কে মিত্র কমিটির সুপারিশ অনুযায়ী পর্যাপ্ত কর্মী নিয়োগ।

\*\*\*\*\*

### **Package Story- Watermelon:**

ক্যালেন্ডারের হিসেবে বেশি দূরে নেই প্রবল দাবদাহে নাজেহাল করে তোলা গ্রীষ্মকাল। আসন্ন সময়ের চাহিদার কথা মাথায় রেখে কৃষি দপ্তরের সহায়তায় গ্রীষ্মের রসালো ফল তরমুজ চাষ করে আত্মনির্ভরতার নতুন দৃষ্টান্ত গড়ছেন কৃষিপ্রধান সোনামুড়া মহকুমার বিভিন্ন এলাকার কৃষক। একটি প্রতিবেদন।

#####VO#####

\*\*\*\*\*

### **Update Akashvani :**

এখবর শুনছেন, আকাশবাণী আগরতলা কেন্দ্র থেকে।

## #####Sound Byte#####

আকাশবাণীৰ সংবাদেৰ আপডেট পেতে লগ ইন কৰুন – ডব্লিউ. ডব্লিউ. ডব্লিউ ডট নিউজ অন এ আই আৰ ডট কম এৰং নিউজ অন এ-আই-আৰ অ্যাপ, এৰং টুইটাৰ ও ফেসবুক প্লাটফৰ্মে-এ এ-আই-আৰ-নিউজ-এলাৰ্টস-এ। ইউ-টিউব-এ লক্ষ্য কৰুন নিউজ-অন-এআইআৰ-অফিসিয়াল-এ।

এছাড়াও আকাশবাণী আগৰতলাৰ সংবাদ আপডেট পেতে দেখুন টুইটাৰ বা এক্স হাভেলে আকাশবাণী নিউজ আগৰতলা / ফেসবুকে এ-আই-আৰ নিউজ আগৰতলা এৰং ইউটিউবে আকাশবাণী নিউজ আগৰতলা।

\*\*\*\*\*

### PM-Assam:

প্ৰধানমন্ত্ৰী নৱেন্দ্ৰ মোদি আজ আসামেৰ শিলচৰ থেকে ২৩ হাজাৰ ৫৫০ কোটি টাকাৰ বেশি মূল্যে বিভিন্ন উন্নয়ন প্ৰকল্পেৰ সূচনা কৰেন। শিলচৰেৰ অম্বিকাপুৰে তিনি প্ৰায় ২২ হাজাৰ ৮৬৪ কোটি টাকা ব্যয়ে শিলচৰ উচ্চগতিৰ কৰিডৰ, প্ৰায় ৫৬৫ কোটি টাকা ব্যয়ে শিলচৰ শহৰেৰ উড়ালপুল এৰং প্ৰায় ১২২ কোটি টাকা ব্যয়ে কৰিমগঞ্জ জেলাৰ পাথারকান্দিত্তে একটি কৃষি মহাবিদ্যালয় নিৰ্মাণেৰ জন্য ভূমিপূজন কৰেন। অনুষ্ঠানে প্ৰধানমন্ত্ৰী বলেন, দক্ষিণ আসামেৰ বৰাক উপত্যকা ভারতকে দক্ষিণ-পূৰ্ব এশিয়াৰ সঙ্গে যুক্ত কৰাৰ একটি গুৰুত্বপূৰ্ণ সেতু হিসেবে গড়ে উঠছে। তিনি বলেন, বৰ্তমানে উত্তৰ-পূৰ্বাঞ্চল ভারতেৰ অ্যাক্ট ইষ্ট নীতি বাস্তবায়নে অগ্ৰণী ভূমিকা পালন কৰছে। পৰিকাঠামো উন্নয়নেৰ প্ৰসঙ্গে প্ৰধানমন্ত্ৰী বলেন, শিলচৰ-শিলং উচ্চগতিৰ কৰিডৰ তৈৰি হলে এটি উত্তৰ-পূৰ্বাঞ্চলেৰ প্ৰথম নিয়ন্ত্ৰিত প্ৰবেশাধিকাৰসম্পন্ন উচ্চগতিৰ এক্সপ্ৰেস সড়ক হবে। প্ৰধানমন্ত্ৰী আৰও বলেন, শিলচৰেৰ জাতীয় সড়ক ৩০৬-এ উঁচু সড়ক কৰিডৰ নিৰ্মিত হলে মিজোৰাম, ত্ৰিপুৰা ও মণিপুৰেৰ সঙ্গে যোগাযোগ আৰও উন্নত হবে এৰং বৰাক উপত্যকাৰ অৰ্থনৈতিক উন্নয়নে সহায়তা কৰবে।

\*\*\*\*\*

## **PM-WB:**

এদিকে, প্রধানমন্ত্রী নরেন্দ্র মোদি আজ কলকাতায় প্রায় আঠারো হাজার ছয়শো আশি কোটি টাকার বিভিন্ন উন্নয়ন প্রকল্পের উদ্বোধন ও ভিত্তিপ্রস্তর স্থাপন করেছেন।

প্রধানমন্ত্রী বলেন, এসব প্রকল্প পশ্চিমবঙ্গসহ সমগ্র পূর্ব ভারতের উন্নয়নে নতুন গতি আনবে। তিনি বলেন, এর ফলে বাণিজ্য, শিল্প ও যোগাযোগ ব্যবস্থা আরও শক্তিশালী হবে এবং সাধারণ মানুষের যাতায়াত সহজ হবে।

\*\*\*\*\*

## **National Lok Adalat:**

হাইকোর্ট সহ রাজ্যের সব জেলা ও মহকুমা আদালতে আজ এবছরের প্রথম জাতীয় লোক আদালত অনুষ্ঠিত হয়। রাজ্য আইনসেবা কর্তৃপক্ষের সদস্য সচিব ঝুমা দত্ত চৌধুরী জানিয়েছেন, লোক আদালতে নিষ্পত্তির জন্য ২৬ হাজার ৬১৮ টি মামলা তোলা হয়েছে। নিষ্পত্তি হয়েছে ১৪ হাজার ৬১৮ টি মামলা।

\*\*\*\*\*

## **Yuva Sangam:**

শিক্ষা মন্ত্রকের উদ্যোগে 'এক ভারত, শ্রেষ্ঠ ভারত' কর্মসূচির অধীনে যুব সঙ্গমের ষষ্ঠ পর্যায়ের জন্য নিবন্ধন শুরু হয়েছে। আগ্রহী যুবক-যুবতীরা ১৮ মার্চ-এর মধ্যে [ebsb.aicte-india.org](http://ebsb.aicte-india.org) ওয়েবসাইটে গিয়ে নিবন্ধন করতে পারবেন।

\*\*\*\*\*

## **First Division Cricket:**

ত্রিপুরা ক্রিকেট এসোসিয়েশন পরিচালিত ঘরোয়া প্রথম ডিভিশন লিগ ক্রিকেট প্রতিযোগিতার আজ তিনটি খেলা হয়। নরসিংগড়ের পি টি এ মাঠে অনুষ্ঠিত

খেলায় চলমান সংঘ ১ উইকেটে মৌচাক ক্লাবকে, টি আই টি মাঠে পোলস্টার ক্লাব ১২ রানে ওল্ড প্লে সেন্টারকে এবং এম বি বি স্টেডিয়ামে কসমোপলিটন ক্লাব ১৩৯ রানে ইউনাইটেড বি এস সি-কে পরাজিত করে।

\*\*\*\*\*

### **Weather:**

আগামীকাল রাজ্যের সবকটি জেলায় বজ্রবিদ্যুৎ সহ বৃষ্টিপাতের সতর্কতা জারি করেছে আবহাওয়া দপ্তর। দিনের সর্বোচ্চ তাপমাত্রা ৩২ ডিগ্রি সেলসিয়াস এবং সর্বনিম্ন ২২ ডিগ্রি সেলসিয়াসের কাছাকাছি থাকতে পারে।

আজ দিনের সর্বোচ্চ তাপমাত্রা ছিল ৩২.২ ডিগ্রি সেলসিয়াস এবং সর্বনিম্ন ২১.৭ ডিগ্রি সেলসিয়াস।

\*\*\*\*\*

\*\*\*\*\*